


Sarajevo, 15.02.2021. godine

**PARLAMENTARNA SKUPŠTINE BIH
PREDSTAVNIČKI DOM
n/r predsjedavajuće, gđe. Borjane Krišto**

 **BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
S A R A J E V O**

PRIMLJENO:		16-02-2021	
Organizaciona jedinica	Klasifikaciona oznaka	Redni broj	Broj priloga
67-50-1-	619	121	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH" broj 79/14, 81/15, 97/15, 78/19 i 26/20), podnosimo

POSLANIČKU INICIJATIVU

Traži se od ministra za ljudska prava i izbjeglice Bosne i Hercegovine Miloša Lučiću da razrješi šefa Kabineta ministra za ljudska prava i izbjeglice, Mladena Božovića i izvjesti Predstavnički dom Parlamentarne skupštine BiH o poduzetim mjerama u roku od 15 dana od dana usvajanja ove inicijative.

Obrazloženje

U prvoj polovini februara 2021. godine, Općinski sud u Sarajevu potvrdio je optužnicu Tužilaštva Kantona Sarajevo protiv Mladena Božovića, bivšeg direktora Fonda za povratak BiH, (a sadašnjeg šefa Kabineta ministra za ljudska prava i izbjeglice, gospodina Miloša Lučića), zbog sumnje u počinjenje krivičnog djela nasilničko ponašanje.

Prema pisanju medija, optužnicom se Mladen Božović tereti da je 14. maja 2015. godine u prostorijama Fonda za povratak BiH, nakon kraće prepirke, obratio povišenim tonom uposlenici Irini Lovrić, koja je obavljala funkciju tehničke sekretarke u Fondu, a kasnije je i fizički napao, na način da ju zgrabio rukama za ramena i grubo odgurnuo prema stolicama i stolovima koje su se nalazile u kancelariji, usljed čega je ona pala preko stolica, a kada je krenula da izađe iz prostorije, uhvatio ju je za lijevu nadlakticu ruke okrećući lijevo-desno, a potom vrteći u krug, pri čemu je Lovrićeva zadobila lake tjelesne povrede.

Kako bismo izbjegli političke konotacije ove inicijative ističemo da je gospodin Božović osoba koja je Šef kabineta ministra za ljudska prava i izbjeglice BiH, odnosno jedna od ključnih osoba koja bi zaštitu i promociju ljudskih prava morala da operacionalizira.

S tim u vezi, naglašavamo da je i ranije prilikom nominacije gospodina Božovića za ministra za ljudska prava i izbjeglice BiH početkom 2020. godine, klub poslanika Stranke demokratske akcije, ukazivao na profesionalnu biografiju gospodina Božovića koja ima ozbiljne primjedbe u pogledu njegove opredijeljenosti za zaštitu i promociju ljudskih prava i sloboda.

Imajući u vidu sve navedeno, ali i ranije istaknute rezerve Stranke demokratske akcije, odnosno Kluba poslanika u Predstavničkom domu Parlamentarne skupštine BiH, u odnosu na gospodina Božovića, smatramo da gospodin Božović nema kredibilitet za obavljanje dužnost šefa Kabineta

ministra za ljudska prava i izbjeglice, te smatramo da ministar Lučić treba razriješiti dužnosti Mladena Božovića šefa Kabineta ministra za ljudska prava i izbjeglice i na tu poziciju imenovati osobu koju takvu funkciju i zaslužuje da obnaša.

Tražimo da ministar Lučić, u roku od 15 dana od dana dostavljanja ove inicijative, nas izvijestiti o poduzetim mjerama jer će naš odnos spram njega i pozicije koju obnaša ovisiti o tome kako je reagovao na ovu inicijativu.

Za Klub SDA u PD PS BiH
Predsjednik
Adil Osmanović

